



„Gæca, son boatta balvaiguim, ja juokke čalbme galgga su oaidnet, maidai si gudék læk su čadarettim.“

Nr. 14. 19ad jakkegærdde.

Korsfjordast 30ad juli 1917.

Redaktør: Henr. Olsen.

Gæca dam Ibmel labba gutte mailme suddo guodda.

(Joh. 1, 29).

Dat læ bagjel buok čabba ja jedditatte sardne Kristus min bæstamek birra; mi æp sate dam čilgget saniguim æpge olatet jurddagin. Dam nubbe ællemest satep mi buok agalašvuodast avvodeť ja illodeť daina atte Ibmel bardne læ vuoledam ječas nuff čiegnalet ja valddam mu suddoid su olgides ala, ja i aivefal mu, mutto obba mailme, gidda Adam rajest dam maņemuš olmui. Su varaines læ son dakkam lonastusa, gillam ja jabmam, vai mon galgam læť suddotaga ja oažžot agalaš ællem ja audogasvuoda.

Damditi čajeta Johannes mat-tajegjidasas dam labba ja čelkka: Aigokgo don diettet gosa mailme suddok læ bigjum? Ale gæca gal Moses laki, alege viega bærgalaga lusa, dastgo dobbe don gavnak suddoid ja dubmitusa. Mutto aigokgo don diettet ja gavdnat dam saje, gosa mailme suddok læ eritvalddujuvvum ja duššendakkujuvvum, de mærkaš atte Ibmel læ buok min suddoid gidditam russi ja bigjam daid dam labba čielge ala. Labba læ son mæredam danen atte dat galgai guoddet obba mailme suddo.

Dam giela bokte galgga juokke kristalaš buok ovtagerddanvuoda siste læť čuožžovaš ige diktet ječas jorraluvvnt. Dat læ vuoddodus obba dam kristalaš opatussi; dat gutte osko, læ kristalaš, dat gutte i osko, i læk kristalaš.

Dat læ juo čielggaset celkku-

juvvum: Dat læ dat Ibmel labbes gutte mailme suddo guodda, ja tævsta læ Ibmel sadne, ige min sadne daihe gavnatuť atte Ibmel damditi læ njuovvam dam labba, ja atte labbes jegolašvuodast ačē vuostai læ valddam buok mailme suddo ječas ala. Mutto mailbme i dato dovdastet daina, dat i dato udnot dam rakis labbai dam gudne atte mi aivestassi šaddap audogassan dainago son guddi suddoidemek. Mailbme datto læť juoga, ja made æmbo suddoid dat datto soabatet, dade værrabun dat dakka. Dastgo olgobælde dam labba i addujuvvu mikkege æra suddosoabategjid. Ibmel i dato diettet mai-dege æraid.

(Luther).

Kristus aivestassi

satta bagjelvuoitteť suddo ja min ješdatolašvuoda.

Buok min jurddagak galggek damditi jorraladdat su birra.

Sudnji galgga læť min datto ađujuvvum.

Su ala aivestassi galgga min vaibmo dorvastet ječas.

Dalle son aiggo šaddat min ællem agjag, gost visesvuotta, fabmo ja rakisvuotta olgusgolgga min bæivalaš ællem darbašæbmai.

Gæidno rafhai.

Jos don aigok gavdnat rafhe Ibmelin, de mana dam lagamus gæinost Jesus ruosa lusa. Dovdast gudnalažat du suddod Ibmeli nuftgo dat guoratalle duollar, ja rokkadala atte Ibmel ječas rakis barne vara diti buttesta du buok suddost.

Dat læ gæidno duotta ja bistevas rafhai Ibmelin.

Atestusak buoccovuoda bokte.

Don gutte logak dai linjaid, daidak læť okta sin særvest, gutte læk vadnujuvvum væran guoddet erinomaš ruosa, go don buoccovuoda bokte læk eritčulddum ustebin ja boatteaigest. Ja daidda vela nuoravuoda čablamus aigest. Du čuvvgis boatteaige arvvalusak læ nubbastuvvam »gaikoduvvum palman«. Job. 17, 11. Dat »maistalatte« læ »dakkam aldsesis soajaid« ja mannam su geidnosis, ja dat »laittedatte« læ valddam dam saje. Dat maid don savvek olatet, læ molsujuvvum daina mast son savvek eritvælttat. Dam sagjai go don galggek oažžot du nuoravuoda niegoidad ollašuvvut, læ dak dal cuvkkijuvvum alelassi. Siskabælde dam njællja sæine ferttik don vællat ja dovdatt du »gaskadægje bakčasid«. Job 40, 17. Du oudeš ustebak ja oappasak læ gukken dust erit. Job 19, 13—14. Don læk buocalvasa bokte šaddam »fuodnen sigjidi. Don læk sisagiddijuvvum, ikge bæsa olgus«. Salm. 88, 9. Ja dat orro læme æmbo go don satak guoddet ja gillat. Ja dat daidda vela læť nuff atte don gađaštak æraid, gudék dam sæmma agest læk dærvvas, ja vaidalak du vaimostad: »Moft galgga dalle dasa gævvat?« Joh. 21, 21. Galgamgo mon gillat dam boddo go čerak læ »givsitagat? Galgamgo mon læť sisagiddijuvvum dam boddo go ærak ožžuk mannat birrasin? Galgamgo mon læť væketæbme ja vaivaš dam boddo go ærak sattek væketet ječasek ja suittek maid si darbašek.

Mutto læge daddeke jaskad, rakis gillajægje ustebam, ja alege bakkod:

»Mast boatta dat atte dak oudeb bæivek legje buoreb go dalaš? Dastgo ik visesvuodast jœra don dam«. Sard. 7, 10. Guoratala dam sagjai dai bævtalaš sanid: »Maid mon dagam, dam ik ibmerd don dal; mutto don galgak arvvedet dam maŋŋel.« Joh. 13, 7.

Gi cælkka dai sanid: Maid mon dagam j.n.v.? Igo dat læk Jesus?

Ođđa jurda bagjana bajas du vai-most, go don oažok oaidnet atte dat læ Jesus gi læ dolvodam du nuft. Juoga aibas ođas maid don ik læm guoratallam. Don læk jurdašam naft: Jos dat ja duot lifi læm æra lakai, de lifiim mon dærvas. Jos mon juo algost lifiim boattam buoreb doaktar lusa, de dat i lifi mannam nuft.

Mutto dal læk don ožžom oaidnet juoga æra, namalassi atte dat læ Ibmel gutte læ dolvodam du nuft. Jai dat læk damditi atte son datto don galgak gillat baha æmbogo ærak, mutto dainago don læk mavsolaš su cæimi oudast ja sagga rakistuvvum bestujubmai. Es. 43, 4.

Gal vægja læt atte don læk vajaldattam du Ibmelad ja vagjolak hæjos balggai mielde. Ja mi lifi loappan šaddam? Dat čuožžo čallujuvvum atte buokak guđek vajaldattek Hærra galggek gaidat jabmiriki. Salm. 9, 18.

Ja dam oini Ibmel buorebut go don ješ. Mutto su rakisvuodastes i sattam son gukkeb gierddat oaidnet du mannamen ječad hævvanæme guvllui. Ja damditi valdi son du dam lakai »sieranassi« ja »bijai mæccai«, vai son erinoamaš lakai oažoi sarnodet duina usteblašat (Hos. 2, 14), ja cælkket dudnji atte i son dato oktage mist galgga lapput, mutto atte buokak dakkek jorggalusa ja šaddek bestujuvvut. Ja dat dakka du illoi ja roakkadvutti.

Ouddalgo dat oppujuvvu, čep mi šadda olles duttavaža ja likkolaža, ja dainago mi læp ješaldamek jedditustaga. Son gi bagad fertte maidai jeđđit; son gi sarjeda fertte maidai čadnat; son gi časka fertte maidai dalkodet; son gi jameta fertte maidai ællendakkat; son gi vuolasdædda fertte maidai bajedet. Job 5, 18; 1 Sam. 2, 6, 7. Dastgo dam alemužast bottek sikke dak bahas ja buorre dingak. Vaidd. 3, 38. Son læ dat gutte rakad čuovga ja siyvned sævndjadasa, gutte dakka rafhe ja siyvned likkotesvuoda;

son, Hærra, dakka buokdam. Es. 45, 7.

Mi galggap boattet dasa atte mi oskop i mikkege dapaŋava muđo go dat boatta Hærrast. Amos 3, 6. Dastgo muđoi sattep mi farga jurdašet atte min bæivek oadnaluvvek dam davda bokte. Mutto dat lekus gukken erit. »Ibmel gieđast læ min aigek.« Salm. 31, 6. Min bæivek læ mærreduvvum, min manoi lokko asatuvvum Ibmelest.« Job 14, 5. »Su girjai šadde dak buok bajasčallujuvvut, dak bæivek mæk šadde mærreduvvut, go i oktage daina læm vela boattam«. Salm. 139, 16. »Ja dam raje maid son læ mærradam, i sate oktage bagjellavkkit«. Job 14, 5.

Mutto nuft burist go buok bæivek læ lokkujuvvum, læ maidai atestusak algost mærreduvvum ja lokkujuvvum Ibmelest. Salm. 56, 9. »Dastgo son oaidna hæđe ja morraš bigjam diti daid su gitti.« Salm. 10, 14. »Ja su muđoi oudast čallujuvvui muitegirje sin diti guđek ballek Hærrast ja jurdašek su nama ala«. Mal. 3, 16.

»Jos don lifiik vela vajaldattujuvvum buokain, de don daddeke ik galga vajaldattujuvvut must, cælkka Hærra«. Es. 44, 21. Ja dat dævdda min vaimo jedditusain ja bagjelmanne iloin buok min atestusa siste, nuft atte buok min atestusast i læk mikkege atestusaid. Es. 63, 9. Jos vela su gæinokge orrok imašlaža min guovdo, de læ daddeke »buok Hærra balggak duššefal arkalmastemvuotta ja oskaldasvuotta«. Salm. 25, 10.

(Čallum ovta buoccest Romsdalast).

Likka bajas!

Likka bajas don gutte oadak ja čuožžel bajas jabmi lutte, ja Kristus galgga čuovggat du ouddi. Efes. 5, 14.

Nuft čuogja Hærra ravvag bagjel dam mailme, ja Ibmele lekus gitos, go mi oaidnep miššonædnamin odna dam bæive. Ja maid oaidnep mi? Juo, mi oaidnep joavkoi mielde bakenid boattemen ja sogjalæme ječaidæsek dam buokvægalaš Ibmel ouddi. Dak vuostai-valddek dam Hærra Jesus nuftgo sin ječasek bæsten ja oabmen. Maidnujuvum lekus Ibmel ja gud-

nijattujuvvum su basse namma! Dak goccajek bajas suddo nakkarrest, sin čalmek čuvgodek, nuft atte si ožžuk oaidnet maggar davver si oamastek Jesus Kristus siste. Ja ædnagak šaddek gastašuvvut Bassevuoinain ja dolain.

Hærra spægjalasta su moarsses dai aigi siste. Gudnijattujuvvum lekus son allagasast!

Mutto go mi gæččap gukkebnidi min ječamek ædnami odna dam bæive, vuoi maggar oainatusa mi dæivvap: Jugišvuotta, garrodæbme ja rieimok juokke guovlost sikke alebui ja vuolebni gaskast. Koarta-spællam, bærgalaga danssomak ja buok æra varnotesvuotta mi juo jurdašuvvut matta. Teatarak, kinematografak ja danssomlanjak devddujuvvum bakka. Dat læ hirmoslaš jurdašet atte Norga galgga væketet ja bajasdoallat teatarid. Igo lifi buoreb atte Norga stata væketifci dai gefhid ja nælggovaš olbmuid min ædnamest go atte væketet olbmuid agalaš hævvanæbmai? Vuoi maggar fastevuotta! Mi jærrap man gukka dat bista? Man gukka, man gukka?

Ænemosat likkastatta mu dat, go smava manak saddijuvvujek danssomskuvlaidi. Vuoi don ačče ja ædne, lækgo don lokkam maid Jesus cælkka su divras sanestes: „Diktet smava manaid boattet mu lusa ja allet hette sin“ j. n. v. Mutto di hettibetet din manaidædek boattemest Jesus lusa.

Mon savam atte dak linjak galgašegje ollit ædnagidi gitti. Dast i læk doarvve atte don ješ manak hævvanæme vuostai ja laddek helveti, mutto don væketak du manaidad maidai vagjolet sæmma gæino mielde. Vuoi maggar oudastvastadus!

Velgo matta suorgatebbo jurdašuvvut go dat? Dal læ aigge morranet. Ibmel gaibbed jorggallet olbmui vaimoid ječas guvllui, vai son oažžo gastašet sin Bassevuoinain ja dolain.

Vuoi oabak ja vieljak ja buok mieldevagjolægjek dam almalaš balgga mielde, allopp masse muvtalašvuoda. Rokkadallopp Ibmelest famo scattat buok vaddoi vuostai, ja go mi oaidnep buok dam varnotesvuoda, de æmbo galggap mi

doallat ječamek lagabuidi Ibmel. Ja rokkadallop sikke ædnam ja albmuga oudast; dastgo mon doaivom atte šadda garžeb ja garžeb. Mi darbašep giddadoallat nannoset Ibmelest. Jesus boatta farga viežžat su moarsses sidi.

Ja nuft dal lekusek buok miššonærak ja sardnedægjek dærvatuvvum sin højos vieljast Jesus Kristus siste,

Emil Bakke,
miššonæra.

(Samasjorggali K. Hansen, Porsangost).

Min vaivan, gillajægje ædnam.

Galggago dal šaddat aige jorgaldak? I goassege læk ædnam jorbadas jorgetam lanjas siste daggar lakai laktaduvvum gadnjalin ja æmbo laktaduvvum varain. Juovlla bovddimsakka i goassege læk gavdnam daggar olmušsoga mi dam lakai læ duolbmam buok julgi vuollai. Varraruoksadén čužžuk væltek dalvveija alme vuostai — æppadusa hættebiškom bagjana duolbbadasain. Ja mi satta ærotet buok dam soade hirmosvuoda dobbe gost dat ratta ja šlabma ja rišša dolain dego okta heivet rakkanusain, gost hægga loktuvvu ja čierro joavkok ferttijek bataret buok dast erit mi sist læi ædnam alde rakisen.

Man hirbmadlaš buollem daina gillajægje ædnamin læ. Vuoi, gillajægje ædnamjorbadas! Gost læ du gagjujukme? Galgakgo don sæivvot ladnjad siste guorosen ja lappujukmen, vaiko rafhe čuogja juovllaija siste? I oktage mate vastedet, mutto buokak mattet doaivvot ja vuorddet aige jorgaldaga.

Okta dolast buoššoduvvum sokka bigja aleb mitto, go min ædnamjorbadas læ dibmijuvvum šlædgo stalest.

(Samasjorggali H. Lavde, Denost).

Mailme-soatte.

Tuiskalažak

læk alggam vuoittegoattet garraeet bagjel ruošalažaid nuorttafrontast, gost settujuvvu baččaget

Østersjøen rajest gidda Čappisapai.

Tuiskalažak ajijek vašalaža maņas ja valddek ollo fangaid ja soattegalvoid. Farga daiddek fast ruoktotvalddam Galizien ja Bokovina.

Dak ruošalaš soaldatak galggek læt gažžarak jægadet kommando, ja nuft manna vuolas daina soattevægain.

Dat offensiva, maid general Brussilow læi algatam las juli, læ nuft mannam „bassami.“

Oarjefrontast

æi læk æra oddasak go dak dabalas smavessoadaldagak oudast ja maņas. Gaskotagai mannek dak alliertak oudast ja gaskotagai fast tuiskalažak.

Radditusmolssom Tuisklandast.

Radditusmoivve læmas gieskad Tuisklandast. Rikskansler Bethmann-Hollweg læ occam æro ja su sagjai læ olgusnamatuvvum Prøisen provianterim-ministar, dr. Michaelis.

Radditusmoive vuolde læi dat tuiskalaš rikabæive (stuoradigge) stuoremus lokko boattam særvvai čuovvovaš rafhefallujukmai:

„I mikkege giddadoallamid dai valddujuvvum ædnamin, mutto i daddeke nubbe bælest luottet vašalažži bittage centralfamoid ædnamosin. I mikkege vahagbalkašemid. I mikkege gavppesodid mannel soade.“

Dat odda tuiska rikskansler

læ doallam saga mi bisti manga dimo, ja man vuolde son erinoamačet namati: Tuisklanda læi baggijuvvum soattai. Bælošti dam tuiskalaš mæravuolašsoade, maid Englanda nælggodampolitikka læi ouddanbovtidam. Tuisklanda i dato soattat ovtage bæive gukkeb, go dat fal oažžo gudnedievva rafhe.

Dak alliertak æi oro miedetæme goit dalge tuiskalažai rafhefallami. Mailbme duosta daddeke vuorddet dal čuovggadebbo doaivoin rafhe go ouddal.

Okta stuora engelas soatteskipa

„Vanguard“, læ eksploderim aibmoi, man likkotesvuoda bokte 900 olbmua dušše.

Fastain odda soatte-erklerim.

Dam have læ Siam, Asiast, mi læ erklærim Tuisklandi soade. 9 tuiskalaš dampa læ valddujuvvum siamalaš hammanin.

Aibmosoatte.

Oarjefrontast læ aibmosoatte baččaget ouddanmännam dam maņeb aige, ja ollo aiboskipak læ vuolasbaččujuvvum goabbašak osi bælest.

Mæravuolašsoatte.

Tuiskalažak læ juni manost saddim abe bodnai 1,061,000 ton.

Dam rajest go mæravuolašsoatte algi læ tuiskalažak vuogjodattam 4,670,000 ton.

*

Dam maņemuš aige læmas 10 darolaš dampa lokkoi vakkosažat, mak læ vuogjoduvvum.

Dam vides mailmest.

Stuora dollabuollem

Troandemest.

Stuora dollabuollem læ gasko juli mano læmas Troandemest Manga galvvovieso, mai sisa legje čokkijuvvum mangai dubati mielde gordnesækak ja čednamgilva farppalak, bulle vuolas gudnan. Vahag galgga læt arvo mielde 8—10 kruvna ouddi.

Dat balatuvvu sagga atte dolla læ cakketuvvum.

Vuovddebulllem.

200 mitto vuovdde læ æska bali buollam Elverum gavpugest.

„Kristianiafjord“ mannam

coakkas ala.

Dam daro Amerikalinja damppla „Kristianiafjord“ læ mannam coakkas ala mierka siste New Foundland gadde lakkasin, go dat læi boattemen New Yorkast Norgi. Buok passašerak læ gaddaibigjum ja galggek boattet æra dampa mielde.

Dat læ buorre doaiva atte damppla satta farga gagjujukvut.

Girddam 1000 kilometer.

Muttom rumænilaš aibmogirdde læ gieskad girddam 1000 kilometer oktan havest Salonikist Bessarabieni.

Ruotarikast

galgga læt nuft fuones avješaddo dam jage atte njæljadas oasse obba rika šivitin ferttijek njuvvujuvvut.

Mavsolas færranuššam.

Dat muittaluvvu atte daina 1000 boccuin, mak legje sisafievreduvvum Jyllandi, Danmarkoi, læ dušše 150 vela hægast. Dak ærak læ jabmam vaddesvuodai bokte boccu-biebmo dafhost. Dat færranuššam læ maksam 70,000 kruvna.

400,000 kruvna oudast

læ Fredrikshald gavpug-gieldda oastam boalddamušmuoraid dam ragjai, ja dai rudai oudast læ 10,000 sala muorak skappujuvvum.

Vimag fria-addujuvvum.

Dat ruotalas amerikadamppa »Stockholm«, mi moadde mano læ ruoktotollujuvvum Halifaxest, Amerikast, læ vimag fria-addujuvvum Englandast.

Stuoradigge

læ gieskad bevilgim 84 miljon kruvna divrasaige væketæbmai.

Noitralitetavarjalam diti læ beviljuvum 18 miljon kruvna.

Præsident Wilson

aiggo ruoktotdoallat dai ođđa darolas dampparakaduvvumid Amerikast, gost læ dal 270,000 ton rakaduvvumen Norga stata rekeg ala 200 miljon kruvna ouddi.

Englanda gonagasviesso

læ molssom dalonama. Dat læ valdam nama Windsor dam sagjai go dat ouddal læi Sachsen-Coburg-Gotha, mi læi tuiskalass namma.

Suomaædnam

læ luovosgaikkom ječas Ruošaædnam radđijumest. Dam suobmelaš stuoradiggest læ stuoreb oasse erklærim ješfriavuoda obba Suomaædnami. Dat ruošalaš radđitus i læk vela njivkadam maidege vuostalastem diti dam aše harrai.

Hæjos ja garra dilalašvuodak radđijek dal Suomaædnam. Socialistai fabmo orro æmbo moivvemen buok. Avisak læ orostam olgusboattemest 1as juli rajest. Bodstavabarddek streikijek mietta rika, ja avis- ja prentimrakkanusaid æigadak læ nubbe bælest vastedam olgusdappamin (lockout).

Borramuš- ja æra galvoid sisafievredæbme Ruošaædnamest dokko læ uccanam aibas, ja gavpašæbme oarjeædnamin læ boatkanam soađe bokte. Sæmma aigest lassana vašše stuoresen Ruošaædnam vuostai, nuftgo maidai gaskanæsek naggatallam suobmelažai ječæsek gaskast dakka dilalašvuodaid æmbo gierddamættosen.

Dat eritbigjum ruošaæksisar

galgga læt hæjot buoccamen vuognašidavdast. Faktijægjek ferttijek daddeke čadag adnet čalmest atte son i batar.

Lagesvuonast

muittaluvvu nuotastuvvum vebaš salledak, ja læ doavvomest atte čavčabællai algga dobbe gannatatte salledbivddo.

Buollevidne ja jugotesvuoda-ašše.

Manditi mon datom alkoholirit? Juo, dainago dat duššad mendo stuora aigalaš ja vuoinalaš ohmudagaid, ja dainago mon oazom æmbo ja æmbo duodaštusa dam ala, atte i mikkege æra geinoid læk mannat, jos dat hirmos fabmo galgaš baggijuvvut maņas.

(Gieldapappa O. Nørgaard).

Atte okta daina stuoremus olgoldas hettitusain albmuga likko diti šadda jalggijuvvut erit gæino oudast dam bæive go laka buollevidnegildos diti læ nannijuvvum, dam ala læm mon šaddam æmbo visses dai maņemus jagid.

(Blspa G. Koch).

Go general Harrison oudandivoi ječas valljijuvvut præsidentan Dai ovtastattujuvvum stataidi, læi son muttom bæive gaskabeividi ovtastuora hotellast. Maņnelaš borram čuožasti okta gussin bajas ja lokti su skaalas dai saniguim: „Hr. general, aiggobetetgo Di čajetet munji dam gudne atte jukkat muina?“ General eritbieltali dam dattom; mutto dastamaņnelaš datoti nubbe æra jukkat su ovtastuora vine ječaines. Dat læi ila ollo generali. Son čuožasti bajas ja vastedi:

„Mu hærrak, mon læm guovte gærde biettalam maistet buollevine.

Jos vela vidneglasa bigjuši mu bakšami ala, de i galga goit goaikanasge boattet mu njælmai. Mon læm mæredam mu nuorravuoda beivin atte mon im goassege aigo navdašet garra jukkamušaid, ja mon im læk goassege bagjelduolbmam dam loppadusa. Mon valddim mu maņemuš eksamen universitetast oktanaga 16 nuora olbmam, ja si læk buokak jabmam jugišvuoda bokte. Mon satam gitet ječæm jugotesvuodaloppadusa dam dærvasvuoda ja likko oudast, maid mon dal navdašam. Aiggobetetgo di ain avčotet mu jukkat?“

General Harrison jami dam 4ad april 1841 nuftgo præsidentan Daina ovtastattujuvvum statain, allaget arvostadnujuvum buokain.

Darolas Samemiššona

læ olgusaddam su jakkemuittalusas jakkai 1916.

Mi diktep min dam jakkemuitalusa mielde fastainaddet moadde erinoamaš čuoğga min blađest:

Darolas Samemiššona læ maidai jagest 1916 vuovddam ja addasaddam samegiel bibalid ja ođđatestamentaid samidi; erinoamačet læ konfirmantak ožžom ođđatestamentaid papai bokte.

Dam rajest go samegiel bibal olgusbodai 1895, læ vuovdujuvum 980 bitta daina ja 814 ođđatestamenta. 376 bibal ja 539 ođđatestamenta nuftgo maidai Luther postal ja soames sma-veb samegiel girje læ addasaddum.

Dat læ mainotatte namatet atte sikke dikšosida Goakgieddest ja manaisida Rotsundelvast doaimatuvvu stuora avkken ja buristsivdnadussan. Boarrasisidast ožžuk boares, buocce samek buorre rumašlaš ja silolaš divšo. Manaisidi læ vaivaš ja oarbes manak valddum Sameædnam ja Tromsa amtai, ja mangas læ juo olgusmannam sidast, mittededin dai buorre beivid, maid si dobbe golategje rakislaš divšovuođe.

Okta buccistoppo galgga bajashukšijuvvut Davvesidi, ja gal dat darbašuvvu.

Okta lieggoslaš daronieidda, særvvegoddeobba Gudrun Høgseth, læ jottam Davvesida gieldest buccidikšomdoaimatusast.

Dima ođđajage rajest algi Darolas Samemiššon olgusaddet ječas blađe, »Norsk Finnemissionsblad«, mi olgusboatta Troandemest 2 gærde manost.

Sardnedegjiv satta erinoamaš namatuvvut jottesekretær Bertrand Nilsen, gutte dabalažat oappaladda dai same-sardno guovloid nuftgo æra sajid Sameædnamest ja gilvva Ibmel sane.

Prenttejuvum »Nuorttanaste« prentimrakkanusast, Korstjerd'ast.